

中

興

禮

書

中興禮書第一百七十三卷

嘉禮一

奉上皇太后冊寶一

高宗建炎元年

本條高宗二年
疑為後人增入

五月二日上謂輔臣曰

元祐皇后家諱家宜避刻當二帝北轅中更僭切載以
聖德起於宮闈乃眷朕躬膺天歷數不惟累章之劾進
亦又播告於遐邇於國有功宜尊名號乃下御札曰朕
惟德盛者執必隆屬尊者禮宜備古之彛訓國有故常
元祐皇后制行徽柔宅心虛靜蚤儷極于永泰久玩道
於瑤華庚辰並后之文已嘗誕告丙午復號之旨未及
布宣比者戎騎內侵都城失守方二聖之選播屬百辟
之抗言還御宮闈暫臨庶務洞達事機之變深惟宗社

之安踵遣使輶數諭至意速此繼圖之日亟頒歸政之
書功加於時舉協於義是用參稽衆志奉上尊稱冀茂
得於休辰以永綏於壽祉元祐皇后冊為隆祐太后並
令所司擇日奉上冊寶應合行典禮禮官討論以聞三
四月二十五日詔隆祐皇后上尊號隆祐太后之曰合
后祿有司未曾製造冊寶自合先次稱隆祐太皇太后
御札勅內文武臣僚等報德莫尚乎隆名教化必先
乎廣孝茲古今之通誼迺邦國之要章章賢妃聰明惠
和徽柔淵懿曾於慶闕媿我親闈象服是宜淑則明於
四教彤管有輝徽音冠於六宮誕毓眇身以昭大統念
慈顏之在遠尚阻奉於晨昏顧令典之有稽宜亟崇於
位號是用參稽衆志爰舉丕稱肆彰母道之尊歸安天
下之養宜上尊號曰宣和皇后仍令所司擇日奉上冊

寶

時方延幸不克行冊禮
按此格必別有月日偶闕

紹興七年三月十七日詔內外文武臣僚等推立愛之道蓋本於事親昭欽養之誠莫先於隆禮爰主母儀之位以刑孝治之風宣和皇后靜順承天柔明育德風擁慶羨是生眇冲陰教表乎六宮美化行乎四海閔予小子逢此百罹廼骨肉之至親偕父兄而時邁十年地阻懷陟岵凱風之思萬里使還奉上皇寧德之諱興言荼毒增慕劬勞顧家難以何堪惟母慈之是恃念從狩襄城之野遠播徽音將迎還長樂之宮永依善訓屬當在疚亟議推崇日用三牲期致天下之養母臨萬寓宜極域中之尊延望慈闈恭加懿號宣和皇后宜尊為皇太后仍令所司擇日奉上冊寶應合行禮令禮官討論以

開先是有旨禮近等謹按典禮上尊號曰皇太后乞下有司擇日

備禮奉冊至是輻輳進呈

三月十八日太常寺言請依祖宗故事俟三年之喪終

制然後奉上皇太后冊寶今來合先降御札播告中外

詔恭依翰林學士朱震言臣聞三年之制惟天地社稷

依明年正月改元建中是時行易月之制故德宗以冕

服行事今陛下雖從權宜而退朝之服盡如禮制謂當

志願下禮官講明故事故有是請

紹興九年三月九日禮部太常寺言檢會國朝舊制皇

太后係玉冊金寶今乞餘寶用金冊以珉石又闕以象

牙詔冊以階石製造餘依三月十四日禮部太常寺

言勘會令文思院修製皇太后冊寶今參酌合行申請

事件

一所有寶文今欲乞以皇太后寶四字為文

一合差撰冊文官一員書冊文官一員書篆寶文官一員並乞執政一乞令文思院疾速如法修製冊寶并

沿冊寶法物仍令文思院候見得修製冊寶決第約度

報太常寺以憑申請施行詔撰冊文官參政孫近書冊

篆寶官參知政事李光

紹興十年二月初五日禮部太常寺言先降指揮書冊篆寶官

差參知政事李光今未錄本官已除官司合別行差官詔差參政孫近

同日禮部太常寺言奉上皇太后冊寶已降指揮依故

事候三年終制舉行未審將來修製冊寶了畢便合擇

日行禮唯復俟皇太后還宮擇日詔候迎奉皇太后歸

日取旨

四月四日禮部太常寺言契勘將來皇太后受冊依典禮合修製禕衣冠服冠飾以九龍四鳳首飾花十二枝

小花如大花之數并兩博髮裱衣深青織成翟文素質
五色十二等青紗中單黼領羅縠襍襪蔽膝隨裳色以
緞為緣錦用翟為章三等大帶隨衣色朱裏純其外上
以朱錦下以綠綿鈕約用青組衣草帶白玉雙佩黑組
大綬小綬間施玉環三其章采尺寸與乘輿同青襪馬
寫以金飾詔依差入內侍省都知黃冕主管製造

十一月二十一日宰臣秦檜等進表請建皇太后宮殿

以慈寧為言

上因諱報臣曰行宮地步窄隘今管建太

後宮祿是因山因地勢修築至于器用供

視親衣余之類悉已畢備皆賜一臨紹興十年十一月一日宰臣秦檜等言恭惟皇太后誕

毓聖躬肇門駁命再造區夏統承大業德厚澤深燕翼

萬世詔書推崇位號備物典冊禮未克行願申命禮官

討論容典涓日休嘉奉上册寶詔恭依合行典禮令禮部太常寺討論畢備於十一月內擇日行禮

同日尚書省言奉上皇太后冊寶於十一月內擇日行

禮緣冊條未曾請降錫鏤冊文詔令工部請降付文思

院疾速鑄鏤施行皇帝親書冊文曰嗣皇帝良業謹格

德發祥必推本其所自出瑞已生商物錫符之休以開

萬葉拓純之度于皇威哉炳灼其不可誣已天作聖社于

我一人俾克旒德好訓以奉宗廟輯寧四方用宏盛于

英足稱者号若稽或節尊上鴻名參天貳地以將施恩

泰檜奉玉冊金寶上尊欽曰皇太后恭惟皇太后柔嘉

之訓不勤勤于中禮而昭用合道冲白天生德而後

有室有昌章於私恩抑外家之憂勤之志章明考假于

靈集大命于躬躬于木小子惟德弗類無以答揚闡休

惟願天授以事親期于上下明明其德合三才之義中外和平
盡欽愛以事親期于上下明明其德合三才之義中外和平
得忠罔之敷時孝莫大于尊親唯天子為能以天下養
能官備而事時孝莫大于尊親唯天子為能以天下養
子小子雖口能之唯大聖母莫處之德惟親性飲膺受
典母道迎休命運御慈寧儀家邦於萬斯年受福無疆
博皇封勳然及原生
子小子其承有依賴

十一月九日禮部太常寺言奉上皇太后冊寶合差都

大主管官一員乞降勅差近上內侍詔依

十一月十日禮部太常寺言今先次參酌比附典禮

討論到合行事件 一欲乞依禮例皇帝服通天冠絳

紗袍執大圭發冊 一奉上冊寶依禮例係于大慶殿

或文德殿及依天安殿發冊寶禮例皇帝詣殿下北向

再拜訖以冊寶授太傅今欲乞至日皇帝詣常御殿下

北向再拜以冊寶授太傅於慈寧殿奉上 一將來自

皇帝御殿太傅奉冊寶奉冊寶詣慈寧殿下行禮其經由門戶及立班地步並乞令所差官都大主管取旨宣禮直官并御史臺閣門應奉人相視所有奉上皇太后冊寶欲依禮例俟奉上冊寶畢皇帝詣慈寧殿遙賀皇太后如宮中儀次羣臣就慈寧殿下遙賀皇太后畢常御殿拜表稱賀其表詞乞令禮部修撰一依例係於文德殿垂簾皇太后即座太傅已下於殿上簾前奉上冊寶侍中并中書令於簾前進冊所有今來奉上皇太后冊寶欲乞是日太傅已下奉冊寶至慈寧殿下與本殿提點官東西相向傳授冊寶太傅一員奉寶侍中一員奉冊中書令一員前導儀禮使一員並乞降勅差宰執或使相一常御殿并慈寧殿合用羣臣陪位立班

並乞令御史臺閣門相度申請詔依

十一月十一日太史局言選到奉上皇太后冊寶吉日

宜用十二月八日戊寅吉十二日壬寅吉詔用十二日

太史局又言燕軍殿奉去冊寶時宜用其日丁時吉詔依

十一月十五日閣門劄子檢會故事奉上冊寶合御文

德殿行禮文武百寮陪位行禮畢冊寶出文德殿門候

奏禮畢皇帝還內文武百僚於東上閣下拜表稱賀今

來太常寺申明將來奉上皇太后冊寶是日各立班官

入詣慈寧殿立班其本殿係在禁中於禮未便欲乞是

日依舊例於常御殿行冊寶禮畢出本殿門權於射殿安置俟

奏禮畢皇帝還內於禁中行遙賀之禮文武百僚退赴

南宮門外遙賀訖次赴常御殿拜表詔應于禮儀令禮

部太常寺閣門共同討論申尚書省

十一月十六日禮部言准都省批下太常少卿陳桶等
劄子勘會奉上皇太后冊寶禮例作樂節次等後批送
禮部討論申尚書省 一陳桶劄子檢會國朝奉上皇
太后冊寶禮例文德殿庭合設宮架樂今參酌比附欲
於射殿內隨地之宜排辦今具作樂曲節次 一太傅
奉冊寶入門作安之樂俟冊寶置定樂止 一太傅奉
冊傳授提點官作禮安之樂傳授畢樂止 一太傅奉
寶傳授提點官作禮安之樂傳授畢樂止 一提點官
奉冊寶進行作聖安之樂至安設處樂止 一太常寺
申令再詳國朝命使發皇后冊寶禮例是日殿庭設樂
今討論欲比附上件禮例皇帝詣常御殿發冊寶 一

俟皇帝隨冊寶降殿作聖安之樂西至階下禱位樂止
一中書令奉冊詣皇帝禱位作禮安之樂太傅授冊
訖至禱位樂止 一侍中奉寶詣皇帝禱位作禮安之
樂太傅授寶訖至禱位樂止 一太傅奉冊寶進行作
聖安之樂出常御殿門樂止 一前項樂曲乞下學士
修撰降付太常寺教習本部令討論依逐官劄子并太
常寺所申詔依其樂曲令學士院同中書舍人修撰
十一月十七日禮部太常寺言奉上皇太后冊寶依禮
例前期擇日奏告天地宗廟社稷天慶觀報恩光孝觀
宜用十一月二十三日癸亥吉奏告諸陵昭慈聖獻皇
后撥宮并承元殿順聖殿宜用十一月二十四日甲子
吉今具排辦差官等事件 一合用御封降真香共八

十七合

天地二合宗廟二合昭憲聖社稷二合天慶一合

五合

承元殿一合順承殿一合乞下入內侍省取降

一合用青詞四首

天恩光慶親聖祖天尊大帝一首

景靈宮聖祖天尊大帝一首

天恩光慶親聖祖天尊大帝一首

社稷二首

表文三十一首

述以奉上皇太后冊寶前期奏告之意乞下學士院修

撰一合用幣帛一十九段卷五十一乞下太府寺

下左藏庫支供一奏告天地合差執政宗廟諸陵合

差宗室觀察使以上无大社大稷天慶觀報恩光孝觀各合差

侍從官並前一日赴祠所致齋承元殿元殿順承殿合

差侍從官前一日赴本司致齋已上並乞降勅差一

奏告昭慈聖獻皇后撰宮乞令紹興府差見任外官宗

室一員前一日於泰寧寺致齋所有合差太祝并供養
茶酒果等並令紹興府依奏告禮例施行 一奏告天
地宗廟社稷合用酒脯鹿鷄蠟燭縮酒茅天慶觀報恩
光孝觀諸陵合用鵝梨法醬酒果蠟燭等並乞下臨安
府專委官排辦 一奏告天地社稷合用神位版并鋪
設學生乞下太史局排辦 一奏告天地宗廟社稷天
慶觀報恩光孝觀合差奉禮郎太祝太官令一員 承
元殿順元殿太祝二員諸陵太祝三員有出身並前一
日赴逐殿致齋欲乞依例輪太常寺官充餘闕官乞令
吏部及臨安府差詔依

同日禮部太常寺言勘會十二月十二日奉上皇太后
冊寶所有將來御書冊文畢合差內侍官請降付文思

院修製俟奉上前一日自文思院援衛赴常御殿冊寶
幄安奉并發冊寶前一日詣冊寶幄至夜照管及奉上
日隨冊寶主管至慈寧殿共合差內侍三員乞下入內
內侍省差詔依

十一月二十三日禮部太常寺言勘會奉上皇太后冊
寶續次條具到事件 一合差押冊案吏部侍郎一員

押寶案禮部侍郎一員又禮部侍郎二員

一員奏中殿
外辦一員御

前奏中殿外辦殿中監一員並乞差侍從攝前導冊寶太常卿

一員乞太常少卿攝舉冊官二員舉寶官二員乞差六

曹郎中太常博士三員

一員贊引太常卿一員贊引太常卿一員贊引太常卿乞差

太常博士舉鹿協律郎一員乞差太常寺主簿已上並

乞降勅差 一冊寶係前一日於常御殿冊握權行安

設依禮例奉冊寶太傅已下應行禮官并冊寶下禮部
太常寺應合千人並於南宮門外西廊宿衛內宰執依
例於皇城司宿衛都大主管所於入內侍省宿直
一乞依禮例前一日太傅已下行禮陪位官及應奉人
於常御殿及射殿習儀 一奉上冊寶前一日太傅已
下行禮官並守內門赴幕次宿衛今欲乞前一日并奉
上冊寶日並作休務假 一合差捲簾內侍欲乞下入
內內侍省差詔依

十一月二十八日禮部太常寺言奉上皇太后冊寶係
用十二月十二日於前三日按樂欲乞就尚書省都堂
前隨地排設宮架大樂詔依

十一月二十九日禮部言有合申請事件 一將來常

御殿發冊寶出殿合於殿門外權置於帳內以俟射殿
排辦畢備行奉上之禮所有殿門外合設冊寶帷次乞
下儀鸞司釘設 一所差捧冊寶抱席褥職掌等合著
色服除輦官親事官合服本色外其職掌合服介憤勒
帛緋羅衫天武官合服紫衫腰帶并乞下祇候庫闕借
自備頭帽 一所差天武輦官親事官合於奉上前一
日自文思院擡擎授衛冊寶至常御殿帳內安奉畢出
殿門外帷次祇候至夜量留天武輦官三兩人宿于殿
門外祇應詔依

十一月三十日禮部太常寺言今續次條具到合行事
件 一奉上皇太后冊寶了畢文武百僚拜表遙賀皇
太后所有表文係禮部修撰欲乞至日俟拜表畢其表

乞交付本殿提點官收掌俟皇太后還宮日進呈 一
合於常御并射殿排設宮架大樂各一料緣太常寺正
有大樂一料今相度欲將宮架大樂先赴常御殿排設
發冊寶行禮畢乞奉冊寶權於殿門外南宮上幄次安
奉令殿擎大樂入射殿安設畢備奉冊寶赴射殿行禮
一 依儀射殿上冊寶太傅授提點官畢合差捧冊寶
內侍捧至于慈寧殿安奉所有奉冊寶將至慈寧殿樂
止合差傳呼內侍已上並乞令都大主管所相度差官
詔依

中興禮書第一百七十四卷

嘉禮二

奉上皇太后冊寶二

紹興十年十二月四日禮部言准都省批下閣門狀奉上皇太后冊寶已降儀注合用前導閣門官二員并奏中嚴外辦及奏解嚴閣門官一員欲乞朝廷降勅差官詔依

十二月五日禮部太常寺閣門言續次條具到合行事件一奉上冊寶係於常御殿下皇帝發冊寶授太傅行禮所有應行禮陪位官及禁衛等欲乞並免起居一依儀於常御殿下發冊寶若值雨欲乞自御幄前導皇帝詣冊寶幄前北向立禮儀使奏請拜皇帝再拜訖

中書令侍中就冊寶帳奉冊寶至皇帝褥位前各置於案以授太傅其太傅受冊寶畢於殿下帳西隨宜設置以俟由西廊出常御殿門其陪位羣臣乞依自來值而立班禮例施行所有寶冊欲乞入射殿新置北使門於射殿上行奉上冊寶禮陪位官於兩廊隨宜立班餘依已定儀注施行詔依

七日主宮禁衛所關將未若不值而常御殿下發冊寶合與不合鳴

親太常寺於物依後並不合鳴

十二月八日都省劄子禮部狀准批下閣門勘會自來大禮其樞密都承旨係導駕官所有今次迎奉迎冊寶合與不合導駕契勘今來儀注內即不該載樞密都承旨前導乞朝廷指揮後批送禮部下太常寺本寺申奉上皇太后冊寶依禮例止係禮儀使閣門官即不載樞

密院官前導劄下閤門照會

十二月九日都省批下禮部狀閤門宣贊舍人鄭寬之等申契勘奉上皇太后冊寶合用祇應舍人省記在京日惠恭皇后冊寶皇太子冠禮並係降勅差行禮官合用舍人五員二員引進中巖外辦牌一員引進解巖牌一員押文班一員押武班伏乞降勅差官施行後批送禮部尋下太常寺本寺勘會閤門所稱引進中巖外辦解巖牙牌及押文武班舍人於典禮即無該載降勅差官難以施行後批送禮部關牒閤門照會

十二月十六日都省批下監進奏院黃敏行等劄子恭覩奉上皇太后冊寶禮畢百官拜表稱賀今承在外州軍等處會問合與不合奉表稱賀本院即未曾承受許

令諸路上表稱賀指揮伏望朝廷詳酌施行取到禮部
太常寺狀檢准紹興儀制令節文諸大慶大禮發運監
司官提舉主管茶事提舉諸州長史三泉知奉表賀看詳
今來奉上皇太后冊寶係大慶典禮合依上條施行後
批送禮部仍下本院照會

奉上皇太后冊寶儀

陳設

前二日儀鸞司帥其屬張設常御殿射殿設冊寶帳於
常御殿上當中南向設御帳於常御殿御屏風後之西
東向隨地之宜又設皇帝褥位三一於常御殿上冊寶
帳前之東西向一於殿下當中北向一於殿下當中南
向太常設宮架之樂於常御殿庭協律朗舉麾位於宮

架西北東向押樂太常卿位於宮架之北北向儀鸞司

設羣臣次於常御殿門外設太傅授冊寶褥位於常御

殿下發冊寶褥位之前東南側向設冊寶褥位六二於

殿西階下東向冊寶二於殿下東向冊寶二於殿東階

下西向冊寶又設太傅位於殿下西階之西東向侍中

中書令於太傅之後北向設吏部侍郎及舉冊官位於

冊案之後禮部侍郎及舉寶官於寶案之後俱重行東

向設太常卿太常博士位於其後設羣臣位於宮架之

北東西相向又太常設宮架之樂於射殿庭中協律郎

舉麾位於宮架之北東向押樂太常卿位於宮架之北

北向設冊寶位六二於殿西階下東冊寶二於殿下

當中南向冊寶二於殿東階下西向冊寶設太傅侍中

中書令吏部禮部侍郎太常卿舉冊舉寶官太常博士
位階下之後御殿西設都大主管官本殿提點官位於殿下
之東西向北上主當內侍位於其後設太傅及本殿提
點官傳授冊寶褥位二於殿下當中東西相向設羣臣
位於宮架之北北向

常御殿發冊寶

其日文武羣臣集於常御殿門外幕次各其服

內行禮前導應

奉官都大任管官本殿提點官主當內侍陪位侍從臺

禮儀使闕門官太常博士禮直官分立於御帷前次御
史臺闕門太常寺分引文武羣臣入就殿下東西相向
立定禮直官引都大主管官升殿詣冊寶帷之西南向
主當內侍立于冊寶帷內次禮直官贊者引吏部禮部

侍郎舉冊舉寶官太常卿侍中中書令太傅俱詣殿下
西階褥位東向立少頃禮直官引侍中中書令吏部禮
部侍郎升殿詣冊寶帷之西重行東向立次贊者引舉
冊舉寶官升殿立於吏部禮部侍郎之後東向禮直官
太常博士引太常卿升殿詣西階上之西東向立皇帝
自內服履袍至常御殿御屏風後御帷簾降皇帝服通
天冠絳紗袍禮直官引禮部侍郎奏請中嚴少頃又奏
外辦次禮直官太常博士引禮儀使當帷前俛伏跪奏
禮儀使臣某言請皇帝行發皇太后冊寶之禮奏訖俛
伏興簾捲前尊官前導官前導皇帝出帷殿中監跪進
大圭禮儀使奏請執大圭皇帝執大圭

殿中監進大圭
訖指西階下東

訖立以俟
畢受大圭

前導官前導皇帝詣殿上冊寶帷前褥位

西向立次引舉冊官入帷措笏舉冊禮直官引中書令
奉冊吏部侍郎押冊案次引舉寶官入帷措笏舉寶禮
直官引侍中奉寶禮部侍郎押寶案禮直官太常博士
引太常卿前導冊寶進行冊寶并贊者禮部職掌助舉
前導官前導皇帝步從宮架作聖安之樂侍中中書令
奉冊寶降自西階至殿下褥位東向置定侍中中書令
已下各詣西階東向立都大主管官并主當內侍並隨
冊寶至西階下冊寶褥位立於冊寶之後東向立前導
官前導皇帝至殿下褥位北向立樂止次引舉冊官措
笏舉冊吏部侍郎押冊案舉寶官措笏舉寶禮部侍郎
押寶案禮直官太常博士引太常卿前導冊寶都大主
管官主當內侍從至於殿下當中褥位南向置定吏部

禮部侍郎舉冊舉寶官退復東向立太常博士都大主
管官主當內侍俱詣殿東階下西向立禮儀使奏請拜
皇帝再拜贊者曰拜在位官皆再拜訖次贊者舉冊官
詣冊案之左右東西相向揖笏舉冊興吏部侍郎押冊
案先詣皇帝褥位前置定吏部侍郎退立於東階下西
向次禮直官引中書令詣冊位之北南向揖笏奉冊進
行宮架作禮安之樂禮直官引中書令奉冊詣皇帝褥
位前南向中書令舉冊官皆跪置冊於案中書令執笏
興退詣殿東階下西向立舉冊官執笏興少立次禮直
官太常博士引太常卿太傅詣受冊褥位東南向側身
俛伏跪舉冊官揖笏跪舉冊奉請皇帝揖大圭跪捧冊
授太傅太傅揖笏受冊奉請執大圭俛伏興太傅執笏

興舉冊官舉冊興太傅奉冊詣殿東階下褥位西向置冊於案樂止太傅立於冊案之側西向立次贊者引舉寶官詣寶案之左右東西相向持笏舉寶興禮部侍郎押寶案先詣皇帝褥位前置定禮部侍郎退立於東階下西向次禮直官引侍中詣寶位北南向持笏奉寶進行宮架作禮安之樂禮直官引侍中奉寶詣皇帝褥位前南向侍中舉寶官皆跪置寶於案侍中執笏興退詣殿東階下西向立舉寶官執笏興少立次禮直官太常博士引太傅詣受寶褥位東向側身俛伏跪又奏請皇帝指大圭跪捧寶授太傅太傅指笏受寶又奏請執大圭俛伏興太傅執笏興舉寶官舉寶興太傅奉寶詣殿東階下褥位西向置寶於案樂止舉寶官執笏興退立

於寶案之後太傅退詣東階下西向立前導官前導皇
帝詣南向褥位少立禮直官太常博士引太傅詣冊寶
位奉冊寶贊者引舉冊官舉寶官詣冊寶位措笏舉冊
舉寶興宮架作聖安之樂吏部禮部侍郎押冊寶案進
行禮直官太常博士引太常卿前導冊寶侍中中書令
都大主管官後從主當內侍主當冊寶出帝御殿正門
樂止次輦官捧擎冊寶於殿門外權置幄內初冊寶出
常御殿正門樂止禮直官太常博士引禮儀使詣皇帝
褥位前北向俛伏跪奏禮儀使臣某言禮畢奏訖俛伏
興退復位前導官前導皇帝升自東階將至幄禮儀使
奏請釋大圭殿中監跪受大圭訖皇帝入幄簾降禮部
郎中奏解嚴訖羣臣以次退皇帝易常服還內如來儀

羣臣退就次以俟射殿行奉上冊寶之禮

射殿奉上冊寶

其日俟射殿排辦畢文武羣臣就幕次各服常服

以冊寶下

行禮直官都大主管官本殿提點官主書以侍弄階位侍從臺隸武官正任以上並服朝服餘官並服常服

御史臺閣門太常寺分引文武羣臣入就殿下北向立

立定俟太常卿前導冊寶太傅以下後從冊寶入殿門

宮架作聖安之樂至殿西階下冊寶位置定樂止太傅

以下就位立定次引舉冊官稽笏舉冊吏部侍郎押冊

案中書令奉冊次引舉寶官稽笏舉寶禮部侍郎押寶

案侍中奉寶太常卿前導冊寶置於殿下當中禱位南

向置定侍中以下俱退復位立贊者曰拜太傅已下在

位官皆再拜訖次禮直官引本殿提點官詣傳冊寶禱

位西向立次引舉冊官詣冊案之左右東西相向搢笏
舉冊禮直官太常博士引太傅詣冊案之北南向搢笏
奉冊宮架作禮安之樂奉冊詣傳授冊寶褥位東向執
笏少立舉冊官跪舉冊次太傅及本殿提點官各佻伏
跪太傅搢笏以冊授提點官提點官搢笏奉冊訖各執
笏佻伏興舉冊官舉冊興提點官奉冊詣殿東階下褥
位西向置定樂止舉冊官執笏興退復位提點官再詣
傳授冊寶褥位西向立次引舉寶官詣寶案之左右東
西相向搢笏舉寶次禮直官太常博士引太傅詣寶案
之北南向搢笏奉寶宮架作禮安之樂奉寶詣傳授冊
寶褥位東向立執笏少立舉寶官跪舉寶俟太傅提點
官各佻伏跪太傅搢笏以寶授提點官提點官搢笏奉

寶訖各執笏俛伏興舉寶官舉寶興提點官指笏奉寶
至殿東階下褥位西向置定樂止舉寶官執笏興退復
位次引太傅退復位立次引提點官奉冊寶內侍舉冊
寶興進行宮架作聖安之樂出射殿東便門將至慈寧
殿安奉處樂止太傅已下并陪位官退就次以俟皇帝
於禁中遙賀皇太后如宮中之儀太傅以下至陪位官
服常服詣南宮門外拜表遙賀皇太后次詣常御殿拜
表稱賀並如常儀訖退

紹興十二年八月二十三日皇太后還慈寧宮

通鑑紀事本末卷之四十一 皇太后還宮 至十月十八日奉冊寶進慈寧宮其儀注卷具于後

十月十六日禮部太常寺言入內侍省副都知慈寧
宮主管事務藍珪劄子奏勸會見收奉皇太后冊寶今

來皇太后已還宮所有奉上冊寶日分并禮儀使取進
止奉旨令禮部太常寺討論申尚書省今參酌到合行
禮儀下項 一勘會昨於常御殿皇帝命使奉上皇太
后冊寶俟還宮日奉進止今欲乞於今月二十五日以
前擇日令主管慈寧宮事務官奉進一奉進冊寶儀注
其日張設慈寧殿又設座於殿上當中皇太后服祿衣
即御座本殿官設冊寶於殿下慈寧殿主管事務官并
本殿官並朝服詣殿下再拜訖本殿官搢笏舉冊寶主
管事務官搢笏奉冊寶升殿奉進先進冊後進寶俟進冊寶畢
皇太后降座易祿衣服常服次皇帝詣慈寧殿賀皇太
后如宮中之儀次宰臣率百寮詣常御殿門外立班拜
表稱賀皇太后表文令禮部修撰本殿官合服朝服乞

令主管事務官閔祗候庫支借事畢送納 一太史局
供到狀選定奉進皇太后冊寶吉日宜用十月十八日
丁丑二十三日壬午吉詔用十八日餘依

十月十八日奉上皇太后冊寶文武百寮詣常御殿門
外拜表稱賀詔作假一日不視事

中興禮書第一百七十五卷

嘉禮三

皇太后回鑾一

紹興九年正月十八日詔兩宮御帳儀物禮數可令禮部太常寺日下議定奏聞

時迎送拜宮奉迎兩宮文到地界差同知各書樞密院等

王倫知開門事並注為使副

正月二十日禮部太常寺奏今參酌議定儀物禮數下項 一奉還兩宮使副等朝見兩宮訖初進發沿途程頓合於行宮依次序各設御帳內皇太后皇后帳各施簾 一使副等每日詣皇太后御帳簾前先兩拜班首奏聖躬萬福訖退詔依

正月二十一日新除東京留守王倫今月十八日內殿

奏事面奉聖旨候將來迎奉皇太后過界日就東京選
差四侍二員院子一十八人充本殿祇應及令倫交割
留守司職事與以次官將帶一行司屬扈從赴行在

正月二十四日御葦院奏契勘迎奉太后所在有乘坐
龍輿從乞下所屬從本院合千人指說製造詔依

會到龍輿椅子四竿頭係用金銀銅頭裝飾
並榻子內所設帳子袖搭並係黃花羅製造

二月二十三日翰林司奏契勘將來引從皇太后合排

辦器皿什物欲乞製造金銀粒平銀龍燎籠一副

銀作子梅紅線團紋條金之
雙銀表兩項朱紅漆榻子全梅紅羅表絹裏三副夾帕

一條金銀平銀龍湯瓶二隻注碗一副盤蓋一副

全壘五隔隔樣六片湯茶筒子五箇熟水榼子二隻果

樣三千隻金平銀龍茶托子一隻茶匙子一柄茶盞蓋

子一箇金枝平銀龍白定磁湯茶盞二隻紅漆茶簏面
面床一張梅紅羅表裏三副夾帕一條梅紅羅表裏絹
夾裙一條腰漚水石桂朱紅漆簏面從籠子一對紅漆
漆柅子玉柅槐黃絹三幅夾帕四條朱紅漆簏面桌子
二隻機子一隻大合二具詔令申尚書省下文思院依
數如法製造

二月二十五日御厨奏本厨引從合用器皿衣帶等欲
乞指揮文思院製造詔依令工部計料下戶部應副
二月二十六日都省批下禮工部狀文思院製造太后
龍輿及合用從物今參酌比附擬定到太后龍輿御座
椅子緞扇從物名件等金鍍銀香毬二座藥壘子二桌
底紅線絡子幹竿子全合子一副匙子大沙羅一面托子

全錢 小沙羅一面御水桶一隻錢全看罐子一隻子紅把

全線 唾盂一隻鉢盂一隻手巾筒一隻紅線全搭濾子一

柄紅羅袋黃羅織二柄袋全黃羅暖扇四柄袋全紅羅

黃羅綉手中二條黃羅裏椅背座子一副御座朱紅椅

子踏子一副通行中黃絹油雨傘二柄袋全紅黃銷金

拂扇二柄水晶柱芥子一柄玉鉞一柄小扇子四柄緋

羅綉雉扇六柄黃絹袋全本部下太常寺看詳得名件

數內除水晶柱芥子一柄玉鉞一柄小扇子四柄不合

製造外其餘並合製造本部今欲依太常寺所申伏乞

朝廷詳酌指揮後批送工部製造

三月十六日上諭宰臣曰太后歸一行從物務從簡樸

如器皿等塗金可也朕自即位服食器用未嘗妄費卿

等所知

四月四日禮部太常寺言勘會已降指揮令王倫等候
見得奉還兩宮回至本界日預先約度申朝廷行下所
屬照會竊慮不測奉還兩宮到來今先次參酌比附條
具到合行事件下項 一合差奉迎兩宮扈從兩禮儀
使一員乞差執政官或使相 一奉迎兩宮一行事務
合差扈從都大主管官一員乞差近上內侍 一扈從
禮儀使以下初見皇太后是日有司於行宮設幄施簾
侍御如儀皇太后即御座侍御起居如常儀本殿官起
居奏聖躬萬福次禮直官引奉迎使以下入就幄殿下
立定先兩拜訖且躬身班首出班奏聖躬萬福訖復位
又兩拜訖退 一沿路經過州縣預集長史以下並出

城於奉迎處立班俟皇太后龍輿將至班首以下並兩拜訖且躬身班首奏聖躬萬福又兩拜訖直身立俟皇太后龍輿過班退奉辭依此若值兩降免拜班首只奏聖躬為福一將來到行在日依禮例是日皇帝率百僚出城迎奉兩宮所有儀注乞從太常寺修定申請一城出合用御輿並合於皇帝御輿已北設兩宮降舟輿次及百僚幕次乞令臨安府同儀鑿司排辦一奉迎兩宮合差禁衛乞下主管禁衛所差撥詔差孫近藍珪餘依

四月十六日參知政事孫劄子奏臣恭被聖旨差充奉迎兩宮扈從禮儀使今來奉迎兩宮事干典禮欲乞下太常寺差禮直官一名太史局尅擇官一名詔依

四月二十九日臣僚上言奉迎兩宮到行在奉聖旨於

前路祇候迎接臣切詳詔旨有以見陛下念親之深朝夕拳拳之意然前路奉迎未知所止何地若去城差遠勢須宿頓則千乘萬騎未易輕動如或省節儀衛則又非所以嚴儆備臣考漢史見孝文即位之初太后在代止是遣車騎將軍薄昭往迎未聞其親往唐明皇自蜀歸至咸陽距長安無四十里而肅宗始備法駕迎於望賢宮亦未聞其遠適今兩宮既還陛下致天下之養永永未已其承顏之樂豈較一日之速哉欲望聖慈明降睿旨止於近處陳設帷次以為奉迎之備庶可朝夕歸於事理為稱詔依奏於臨安府於前路祇備迎接五月五日禮部太常寺言准都省批下扈從禮儀使司狀勘會奉迎兩宮還闕所有進發次序伏乞行下所屬

議定施行批送禮部太常寺日下議定中尚書省契勘
將來皇太后淵聖皇帝過界竊慮未必同到若於東京
伺候同日進發又慮道途宿頓相妨今議定欲以先到
東京日先行進發赴行在詔依

五月十九日扈衛都大主管所言准尚書省劄子韋淵
奏乞前去奉迎皇太后恭奉聖旨許臣迎接契勘臣將
帶近親遠選北去所有將來迎接皇太后有遠頓依例
合間候聖體及沿路趕赴簾前起居奏事及親屬入見
等禮儀乞先次劄下禮儀使及都大主管官照會遂具
間奏奉御寶批遇有奏事令簾前奏陳問聖體一節令
聽喚使臣轉奏

六月二十三日禮部太常寺言東京留守司狀契勘奉

還兩宮到東京界所有儀衛一行人從合着色服乞下
禮部太常寺討論製造仍奉聖旨討論中尚書省禮部
太常寺今討論將來兩宮進發赴行在其儀衛色服合
服緋綠羅盤鵬背子於祇候庫閣請詔依先是六月十
主管所言已降指揮奉迎一行入并禁衛所先差禁衛
四百人隨龍輿至楚州祇候並就用東京觀從事筆
子官一人數並給祇散服若至是討論依先降詔音

中興禮書第一百七十六卷

嘉禮四

皇太后回鑾二

紹興十二年四月一日詔兩宮將來過界奉迎扈從禮儀使差參知政事王次翁都大主管官差內侍藍珪提舉應辦事務差江東轉運副使王煥

四月十日權禮部侍郎施垧等言勘會已差奉迎兩宮禮儀使非晚起發慮恐合捧表前去今欲乞令學士院修撰皇帝遣使奉迎皇太后表降赴禮儀使齎捧前去迎見皇太后朝見訖簾前捧進詔依

四月十三日禮部太常寺言勘會今來已差迎春兩宮禮儀使今續行條具申請下項 一沿路經過州縣依

紹興九年指揮預集長史以下並出城於奉迎處立班
今來欲乞依已定儀注報轉運司行下經過州縣遵執
一迎奉兩宮至行在依紹興九年指揮是日皇帝率
百僚出城奉迎先據臨安府相度踏逐到餘杭門外德
勝橋東倉充設帳奉迎去處今欲乞令本府再委官前
去相度脩整詔依

四月二十四日禮部太常寺言勘會昨紹興九年十二
月十二日奉上皇太后冊寶禮畢是日皇后詣慈寧宮
遙賀皇太后同日文武百僚詣南宮門外拜表遙賀皇
太后次御常御殿下拜表稱賀所有今來奉迎皇太后
還宮實為大慶合行拜表稱賀今欲乞俟奉迎皇太后
還宮次日皇帝詣慈寧宮賀皇太后如宮中之儀宰臣

百僚詣常御殿門外拜表賀皇太后次詣常御殿拜表稱賀所有外路監司郡守亦合奉表稱賀詔依

同日禮部太常寺言勘會今來奉迎皇太后非晚到闕欲比附自來大慶禮例候皇太后還宮日擇日差官奏

告天地祖宗廟社稷諸陵詔依

選用九月九日戊戌吉奏告天地差執政大社

大樞差兩省官宗廟諸陵並差宗室大將軍

五月八日禮部太常寺言准都省批下扈從禮儀使司並都大主管所申契勘奉迎兩宮還闕所有禮儀使已下所見皇太后及每日沿途起居已並儀制外其一行扈衛諸班直親從親衛官等未有儀製伏乞詳的下有司契勘施行後批送禮部同太常寺勘詳今看詳一行扈衛諸班直親從親事官等初見皇太后是日有司於

行宮設帷簾前侍衛如儀皇太后即御行扈衛諸班直親從親事官等躬身唱喏兩拜訖且躬身班首一員奏聖躬萬福訖再唱喏畢直身立依次排立俟朝見官退並退每日程頓於皇太后簾前起居一如上儀訖依次陳列行次詔依

六月七日詔准南宮吏軍民等朕嗣守丕圖躬行要道蓋將教孝夫豈病民仰惟母后曰鑿獲伸天下之養已命有司備禮唯資外府之儲取具一時靡勞百姓慮州縣罔祇於德意致里閭或困於征求吏而不良刑茲無貸今來皇太后一行應沿路州縣合供辦什物之類並令戶部科撥的確係官錢物應付不得少有科數騷擾如違許民戶越訴監司夫有按刻並一等科罪

六月九日禮部言准都省批送下御史臺閤門今契勘將來奉迎兩宮至行在是日皇帝率百僚出城奉迎其設帳去處臨安府已行相度排辦外所有宰臣執政官文武臣僚奉迎侍班幕次欲令臨安府差官同御史臺閤門知班同共相度脩蓋席屋三十間使用其所集文武臣僚欲乞候皇帝將至並迎駕起居候降輦入帳退歸幕次侍班若遇雨降或霑濕亦乞只就侍班幕次及東倉空屋內隨宜立班施行後批送禮部看詳尋行下太常寺本寺欲依所乞施行詔依

紹興十二年七月三日詔差內侍黎琦隨逐壽國柔惠淑婉和懿慈穆育聖王夫人往泗州等處奉迎皇太后七月十四日詔自鹽橋登舟至臨平鎮

七月二十八日權禮部侍郎施珂等言勘會車駕自鹽橋登舟至臨平鎮奉迎皇太后今參酌條具事件並奉迎儀注 一臨平鎮合設皇太后御帳又設皇帝御帳於皇太后御帳之側並隨地之宜並黃羅拜褥等乞下儀鸞司排辦其從駕臣僚宜用幕次什物等亦乞下儀鸞司同臨安府排辦 一合差捲簾內侍乞下入內侍省差 一至日欲乞比常日早二刻開餘杭門 一奉迎儀注其日自內皇帝服履袍乘輦登舟至臨平鎮皇帝降舟歸御帳從駕官並前道應奉官權歸幕次俟皇太后至臨平鎮降舟乘龍輿入帳簾降即座御史臺太常寺閣門分引從駕官並前導官詣皇太后御帳前隨地之宜立班定班首再拜在位官皆再拜訖且躬身

班首不離位奏聖躬萬福訖再拜在位官皆再拜訖班
退前導官詣皇帝御帳前立定簾捲前導官前導皇帝
升詣皇太后御帳簾前前導官退皇帝入帳詣皇太后
御座前朝見如宮中之禮訖皇帝出簾歸御帳以俟皇
太后還宮次皇帝還內如來儀如皇太后不降御舟前
導官前導皇帝升詣皇
太后御舟前導官退皇帝升
其從駕官並前官導止于
岩位兩降亦如上儀依
帝皇太后御舟過班退始依

八月七日御藥院奏勘會車駕自監橋登舟至臨平鎮
奉迎皇太后據供御合千人狀稱廣嚴寺法堂見排辦
皇太后幄次僧堂見排辦御帳今相度打量得若自馬
頭升輦抱肘入三門由東廊至廊北角降輦步入御帳
即無妨碍若乘逍遙其馬頭棚至東廊各有妨碍去處

內中進呈奉詔不乘御座步至御帳

八月九日禮部太常寺言勘會車駕詣臨平鎮奉迎皇太后除從駕官外餘官於東倉奉迎今具奉迎儀其日俟皇太后御舟將至御史臺閣門分引合立班官立班定俟皇太后御舟至班首拜在位官皆再拜候拜訖班首不離位奏聖躬萬福訖在位官並再拜訖直身立俟皇太后御舟過班退

若值兩降止駕恭次再拜奉迎如上儀 詔依

同日權戶部尚書莫將戶部侍郎張澄沉昭遠兵部侍郎程瑀刑部侍郎周聿敷文閣學士知臨安府俞瑛給事中程克俊中舍人李易敷文閣待制兼侍講秦梓權禮部侍郎施炯起居郎張擴起居舍人楊愿劄子等恭聞皇太后鑾輿旦夕歸還宮闕欲乞今月十一日同班

上殿稱賀以伸臣子駭忭之情伏望敷奏施行詔依後自

南班宗室帶軍並引例乞上殿稱賀

八月十日閣門言勸會車駕奉迎皇太后今參酌欲將

昨車駕巡幸例比擬到畫一事件一車駕進發日宰

臣以下合扈從官并祇應等并履笏赴後殿起居訖從

駕一沿路至住臣處閣門官以下並管軍御帶并不

候宰執到令先起居或奏萬福外所有宰臣執政官奏

事及上殿臣僚閣門官奏事仍入內官引如至臨平錫

並奏萬福一沿路如值雨雪濕臣僚等並免起居三如

省察院及臣僚奏一沿路得旨上殿臣僚令戎服上

殿詔依

八月十四日御史臺閣門言車駕奉迎皇太后除三衙

諸司應奉官及文臣侍從起居舍人以上扈從外其餘
 官於東倉奉迎及近降指揮令儀鸞司排辦赤岸頓臨
 平鎮鎮令具合行申請事件 一迎奉皇太后還闕其
 所集百官欲乞文臣職事官承務郎以上并南班宗室
 及文武陞朝官以上趨赴 一侍從起居舍人以上從車
 駕至臨平鎮奉迎餘官於東倉奉迎文武百官欲乞俟
 皇太后御舟將至百官奉迎訖次迎駕起居若值雨降
 或霪濕乞依已降指揮並上於幕次內隨宜立班詔依
 八月十五日詔今月二十一日詣臨平鎮奉迎皇太后
 於門外德勝橋登舟
 同日閣門言今日擬定車駕奉迎皇太后節次其日皇
 帝不視事行門禁衛諸班直親從官等并輦下人殿內

排立皇帝服履袍出鳴鞭行門禁衛等迎駕自贊常起

居次知閣門官已下并應奉官並履諸司祇應官並鞋

并內侍省押班以下帶御器械官並履關班迎駕

宣名常起居皇帝座次合入分引宰臣已下一班關班

並履宣名常起居次管軍執頭穿衣一班宣名常起居

訖皇帝起居鳴鞭升輦至鹽橋章亭驛御輦降輦登舟

德勝楊登舟進發至城外東倉文武百僚俟御舟將

至迎駕常起居俟御舟過兩拜奉辭俟御舟將至臨平

鎮前導官太常卿已下履笏迎駕常起居次禁衛諸班

直親從等迎駕自奏聖躬萬福御輦前知閣門官已下

脩注并應奉官並履諸司祇應官並鞋并內侍省押班

已下并帶御器械並履關班宣名奏聖躬萬福次

管軍

並模頭骨朵

一班宣名奏聖躬萬福訖次宰臣執政

三五

官以下一班闕班宣名奏聖躬萬福簾降應奉并前導
官等權退俟太皇后御舟將至隨駕禁衛班直親從等
並奉迎兩拜俟皇太后降舟入幄御史臺閣門分引從
駕官并前官導詣皇太后御幄前隨地之宜宰執以下
一班立定兩拜訖班首奏聖躬萬福訖再兩拜訖退管
軍并前導官詣皇帝御幄前立定簾捲前導官前導皇
帝詣皇太后御幄簾前前導官退皇帝入幄詣皇太后
御座前朝見如自來宮中之儀皇帝出幄前導官前導
皇帝歸御幄俟皇太后還宮至東倉前文武百僚奉迎
兩拜訖班首奏聖躬萬福訖又兩拜具立俟車駕將至
迎駕常起居皇帝還內如來儀貼黃從駕至臨平鎮如

經宿臣僚逐班赴御前早朝起居如上儀如皇帝未降御舟止赴御舟前起居貼黃皇太后一行禁衛親從等迎皇太后一行官詣皇帝御幄前一班常起居該宣名即宣名貼黃稱奉迎皇太后曰日如御服窄衣臣僚并公服繫鞋取聖旨詔其日服窄衣至章亭驛登舟臣僚並繫鞋俟迎見皇太后服履袍餘依擬定

八月十六日衛茂實得旨令普安郡王隨駕至臨平鎮迎奉皇太后

八月二十二日車駕至臨平鎮奉迎皇太后帝入幄朝見宰臣文武百官班次外起居如禮官所定儀上初瞻慈容喜深感極淚濕龍銷軍衛歡呼聲動天地父老童稚夾道擁觀以手加額曰不圖復見聖神母子重歡如

此

八月二十三日車駕還臨平皇太后還慈寧宮宰臣文武百僚表賀

八月二十六日提點慈寧殿宮藍珪劄子奏今具合行事件 一乞以提點慈寧殿所為名乞下禮部鑄印一顆 一乞權差諸官司已出職人吏一名充點檢文字乞於內外官司指名抽差手分三人充本所書寫行道文字詔依

八月二十七日奉迎都大主管所言勘會奉迎兩宮還闕依已降聖旨文思院等處造到皇太后從物織扇於祇候庫寄取今來奉迎皇太后還內其上件從物等合本殿收掌今欲乞報元寄收官司除破撥充本殿應奉

使用奉御寶批依

自後每過皇太后御崇善宮燒香等儀差禁衛

諸班直文武

親從共五百六十六人祇應前引七十四人行宮殿門

從政殿親從一十二人巡檢司都下親從二十人快行

親從二十人殿前指揮使二十二人中道六十人編排

禁衛行門一十人禁衛園子四重共四百一十人從裏

第一重崇政殿親從一百人從裡第二重御龍直四人

骨朵直一十人弓箭直七人弩直六人東西班七十三

人從裏第三重執燭籠都下親從一百一十人從裏第

四重內殿直一十二人散祇候金鎗銀鎗散員散指揮

散都頭執物御龍直三十人執大扇文武十人崇政

殿親從欄前一十人東西班直各一十一人後從殿前

指揮使二十二二人

九月二十一日權禮部侍郎施珣等言奉聖旨自祖宗以來皇太后殿前有無提點所令有司討論聞奏今討論國朝故事祖宗以來皇太后殿並無提點所稱呼詔藍珪改差慈寧宮主管事務提點所可罷 十月七日平樂郡王韋淵奏先親紹興七年三月十七日降御劄宣和皇后尊冊皇太后五月二十七日奉聖旨聖太后親姪謙訊名與轉七官並除閤門宣贊舍人總於紹興十一年內蒙聖恩將臣小男誼許依謙訊等體例推恩了當今來皇太后親侄彥章係臣次男隨從皇太后歲久及隨從鑾輿還闕伏望特降睿旨許依謙訊誼等已得指揮推恩詔依

中興禮書第一百七十八卷

嘉禮六

登寶位一

靖康元年十一月十五日康邸奉淵聖皇帝詔奉使窩
離不軍前議和止師資正殿學士王雲為副中書舍人
耿延禧觀察使高世則參議都監東頭供奉官藍珪黎
案入內西頭供奉官楊公恕內知客修武郎韓公喬從
行十六日發京師二十日至磁州王雲耿延禧高世則
等從王詣應王廟應王者崔府君封嘉應侯燒香訖偶磁人殺雲是
夜知相州汪伯彥據城上西南園敵樓上卓望使臣桑
說飛申卓望州西火炬連接伯彥即亟作蠟書遣騎兵
二人詣磁州報王其大畧曰國家遭陽九之厄金人猖

獫狁歲深入排難解紛尤賴維城王寶道君皇帝之皇
嗣今皇帝之介弟二聖被圍維城之望有待于大王金
人初至城下大王奉使虜中難艱備嘗速其退師大王
還京乃免北去天未悔禍今再犯京城大王奉師使于
外大王措身於安地然後二聖有維城之託大王奉使
議和初謂窩高不在真定故疾馳直北以往今窩高不
已過河用兵已趨京師大王銜冒風雪徒御奔波不若
夙駕回相州稍圍起義牽制金人以副二聖維城之望
請王仍戒約二十二日早發磁州城下

閏十一月二十一日王詣相州後園過飛仙亭下亭高
數十丈王命弓矢祝曰使吾過河射中飛字矢發乃中
又祝曰再中仙字即虜不吾欺果再中又祝曰誠如是

耶再中亭字吾滅虜無疑又中之凡三發三中諸軍將士莫不神異之

二十七日銜兵使臣報覆京師差使臣來到王即令藍珪審察得實引忠翊郎閻門祇候秦仔以前拜訖白曰御前此月二十日遣來仔契衣裳蠟彈出以納王令入內知客韓公奮破蠟得黃絹方四寸許皇帝親筆細字知卿起義勤王可除兵馬大元帥陳孝伯元帥汪伯彥宗副元帥應群官行事並從便宜王讀訖憂形于色涕泣繼之後一二日御前使臣先後至者七人各齎蠟彈被封皆奉親筆詔悉如前當日王命伯彥差人洒掃通衢群目所視處設香案南嚮望闕謝恩受兵馬大元帥命南仲伯彥延禧世則從拜軍民觀者駢肩歡聲洋溢

喜聞天子命令王既謝恩備坐皇帝親筆劄子伯彥准此及牒門下侍郎耿南仲今來當所被奉親筆充兵馬大元帥便宜行事所有起發召募兵將等職事亦合依舊同共措置施行於是南仲與軍中謀議凡軍事同伯彥詣王稟可乃行十二月十四日發行軍馬十五日晨興五軍次第已行探河使臣來報黃河已凍及九分子城渡夜來尚有數十丈未凍合僚屬失色上下猶處豫王顧幕府僚屬曰但行至河遂旋相度王即刻上馬幕府僚屬次第上馬踐冰雪先過河將至子城渡再報黃河半凍合前軍人馬先次囊沙土負束芻藉諸水上次第前渡幕府僚屬於是服王料事無遺策也王乘兵車舟人拽車履冰先行伯彥與諸僚屬等並策杖扶掖以

履次第到岸俄頃見大王已乘馬南仲暨諸將皆擁衛其後王問五軍人馬渡河齊足否伯彥等對曰大王隨府及五軍無一人一騎損失王再三拊循五軍雖呼奮勇伯彥等稱慶

二十三日據知興元府曾懋申金人軍前差簽書樞密院事曹輔前來本府訪尋康王所在并錄曰曹輔所傳蠟封皇帝已登城歛兵不下見議通和卿等領兵未可輕動恐徒誤國并樞密院劄子磬書諸路勤王人兵且於稍近三五程間駐劄候師退日放散

二十五日王聚幕府僚屬議行軍所向宗澤請行王直趨開德府次第進寨以解京城之圍伯彥等請大王東去指東平府以居兵馬大元帥府二十九日自宿定安

鎮二年正月一日宿陽殺縣三日至東平府二月十二日幕府聚議約與諸路會合宜進寨濟州駐劄二十三日
至濟州

三月二十七日大元帥府節次據探報得京城事宜二聖驛駐城外張邦昌為金人迫僭位號南仲伯彥延禧耘世則夙夜侍王幕下王憂危不解忽一日興仁府駐劄黃潛善申有機密大事乞赴府稟議王旨劄下潛善起發前來潛善是日將帶到一行親兵赴府公參尋引到硬探人李宗元去京城下硬探於京城內買得推戴張邦昌文字一紙金人偽詔一紙邦昌赦文一紙邦昌迎立孟太后書一紙並是雕印潛善出上件文字呈王王讀之洒涕隕淚語幕府僚屬曰狂虜尋釁肆貪陷我

京城邀我二聖暨諸太子親王近臣質于虜寨恐將扶
以北遷湏急速劄下河南北諸府郡應官民之兵及河
北諸山寨諸頭項土豪民兵併力把截隨所居地分差
得力人遠探金人渡河回歸之日或把河斷橋或據險
設伏或迎擊于其前或追襲于其后當府當親領大軍
前去策應効死解難迎還二聖并馳檄副元帥宗澤仰
督責河南北諸府郡及河東河北山寨水寨諸頭項義
士首領火急依應今來指揮施行南仲伯彥奉以施行
四月二日王集幕府僚屬聚議念京城圍閉朝廷命令
久不通恐四方失系望姦宄乘時妄作乃命延禧草檄
書命南仲伯彥潛善通共參訂呈定本訖奉以施行遍
下諸路其辭曰兵馬大元帥皇帝康王樞機郡邑曰見

危致命者忠臣之心視死如歸者烈士之勇凡在率土
世沐湛恩今陳澀血之詞庶獲捐軀之効通者上皇禫
位下詔責躬事出忱誠人皆惻隱恭惟皇帝遵養潛邸
十有五年克儉克勤博通經史天下延頸莫不歸心及
受禫之初金人大入許割三鎮乃肯退歸皇帝念祖宗
之故疆仍陵寢之重地請計賦租之入以為歲幣之常
乃曰渝盟實惟求釁再操戈而指闕遂鼓衆以乘壩至
屈已稱臣露章引咎初欲兵不下說曰通和既邀駕出
臨乃執留駐且既已降詔而割地民畏在衽而拒闕又
為隙端以肆貪欲今者二聖太子諸子近臣皆質賊營
恐將北去考之自昔未之或然臣子之心痛憤擗骨御
名昨奉睿旨充兵馬兵馬大元帥倡義率衆影答數百

萬衆奮怒而前內揆人心可知天意適逐狂虜今茲已
行而強抑臣僚伴僭位號天怒人怨曷能安居除已發
遣大兵糾合諸郡把隘險阻焚絕河梁或迎擊於前或
進躡于後期於掃清千里迎還兩宮外帥臣監司郡守
縣令其統號銳之衆使監忠義之心撫柔良之民毋忘
歸蠶之舊凡關津之出入謹于防姦或文書之往來審
于詐偽以報皇朝之涵養以底天下之治安報德賞功
非言可究三辰在上竇聞斯言檄書到日晚示軍民各
令知悉四日先馳檄大河南北諸郡并河東河北山寨
水寨諸頭項義士邀擊金人及劄促諸路勤王師帥於
京城下會合聽候指揮去從是日王又命幕府召諸將
會議合行事務于是門下侍郎耿南仲元帥汪伯彥副

副元帥黃潛善參議官耿延禧董耘高士則幹辦官楊
 淵王起之秦百祥隨軍轉運使梁揚祖黃潛厚凡率職
 大元帥府文武官吏百餘人都統制楊維忠五軍統制
 張俊以下將士三萬衆上議勸進昧死俯伏再拜言曰
 金賊不道邀致二聖鑿駕北狩天未厭宋必將有主主
 宋祀者非大王而誰大王聰明英勇上皇之皇嗣少帝
 之介弟天命已兆人心實歸應天順天宜適機會天命
 不可以久滯人心不可以強違萬機不可以暫曠願大
 王即王帝位以定天下上以慰祖宗在天之靈次以慰
 二聖南望之意然後魏今天下回戈滅虜以迎還二聖
 為宋中興之主天下幸甚王曰天下大器也宗廟社稷
 重守也孤安敢承願與二三幕屬共圖北征迎還鑿與

庶幾不愧祖宗在天之靈涕泣隨語以流避席西向以
遜群僚歎欵固請王涕泣固辭南仲伯彥潛善暨諸群
僚又伏哭再拜進言曰二聖北狩邦昌僭竊天下無主
羣心皇皇大王不早為之圖後時有悔願大王以宗廟
社稷為念速繼大統先正尊位乃議奉迎生靈延頸以
望願大王幸聽俯徇羣情即帝位王復避席西向嗚咽
流涕霑袍辭避曰孤不敢當至於再三諫拒不受傳王
旨請南仲以下退羣僚暨諸將乃退南仲等與諸將等
既退會諸路帥臣監司郡守表奏推戴者至無虛日於
是南仲伯彥潛善延禧耘世則揚祖潛厚淵起之百祥
以下官屬泣血進言曰二聖北狩大王徑欲北征奉迎
鑿與此大王孝悌已定以昭格神明何舉不利天下幸

甚然邦昌僭位號于京師姦雄軌耽事未歸一願少須
 之先了此一段大事然後回戈北征邦昌身為宰輔受
 國厚恩豈遽忘德第恐迫不得已權宜免禍而為之大
 王若早為之計彼必拱手反其或後時久假而不歸矣
 使邦昌久假不歸則羣凶如蝟毛起矣潛善又曰只如
 邦昌初豈敢望作宰相既作得相便胡托亂判安然為
 之恐遂做此不可不慮願大王催促諸頭項人馬會合
 於京城下張大軍聲彼自膽落賈玉有歸苟或逆天判
 理宋德在人也深卿士大夫諸軍百姓亦不為使大王
 可以不煩伐鼓只消傳檄京城軍民一呼胥畔邦昌面
 縛以獻而歸璽大王大王于是北征奉璽以迎還二聖
 似未為晚投機之會間不容穢惟大王圖之楊惟忠張

俊及五軍統制將佐等亦進言曰北征乃將帥事願大
王即皇帝位且先理會張邦昌大事惟忠等身膏草野
圖報大王又會硬探鄭安回報金人四月一日晝離起
京城二聖六宮盡皆北駕張邦昌偽立稱大楚皇帝京
城見今繕治守禦以捍勤王之師南仲伯彥潯善延禧
世則以下因又啟曰南仲等所陳屢矣獨有天人相與
之際朕兆已久未曾畧舉願畢其說蓋聞自古帝王之
興必有受命之符故曰魚潛躍武王作周赤符顯伏光
武興漢大王奉使陞辭之日皇帝賜排方玉帶有大事
聖語被受大元帥建府之命有賜袍異夢皇帝即位紀
元曰靖康其後大王未嘗封靖也而京師之人及四方
中陳或曰靖王或曰康王迨皇帝之北遷人始悟曰靖

字從立從十二月乃皇帝十有二月而康王建帥紀年
 二字實兆今日飛仙亭一牌有連中三箭之祥道君皇
 帝萬里有即真二字之詔黃河之渡則陰未凝而凍忽
 合濟州之瑞則紅光見而火德符命章章若開周之武
 王漢之光武何以過此大王其可久稽天命乎其可久
 拂人情乎古人有言曰違天不祥願大王即函帝位上
 當天心下塞人望毋固退託以取不祥王深感群僚請
 將言謝曰天命人心如是哉孤豈敢違天拂人當更思
 之嗚咽掩面流涕退而批答曰醜虜肆毒踐我土地陵
 我京邑遷我二帝移我神器四海同戴嗚嗚延首三三
 大夫暨諸將佐與夫諸路帥守以天下羣情文章勸進
 吾以父兄是念痛心疾首未知措身之地豈敢偃然受

天下歸往之請猥當隆極勉狗象志以答天人之休庶以奉迎二帝恢復中原此吾誠心天寶臨之公等世受國恩同遭厄會忠貫日月精感神明實賴遠謀共濟禍難

六日偽楚張邦昌遣使臣齋尚書劄子前來東平府興仁府濮濟州尋訪康王弭節所在其劄子無年號但書四月日王時雍等押字濟州回報康王領兵見在本州屯泊去後俄而使臣李興潘謹素二人又至稱張相公遣來也云候得大王住處的確張相公別遣官來也

七日偽楚張邦昌差蔣師愈蔡琳程巽等齋誌月于康王是日大元帥康王復以誌日答邦昌

八日張邦昌遣謝克家來歸玉璽一紐其篆文曰大宋

受命之寶大元帥府僚屬南仲伯彥潛善延禧世則等
引克家林寶以前跪以進王王謙拒久之恸哭不受已
而跪受命伯彥司之伯彥跪奉用藏巾匿守之惟謹以
俟涓吉即位會太母遣其姪益忠厚齎書勸進王受寶
讀書訖謁者引克家忠厚以前王見以賓禮太母書辭
曰吾自處道宮垂三十載迺者都城失守二帝北遷撫
事悲推寶無生意忽承中旨俾正名號退惟閑廢之餘
當此危亡之際冒居寵數誠亦何心涯懇辭莫之聽
許乃以此月五日入延福宮而百辟進言請權聽政顧
早衰多病且久去宮闈豈復能堪朝廷大事言念趙氏
舉不 比 句 高 辭 未 畢 下 句 是 王 已 發 濟 州 之 事 終 通
舉不 比 句 高 辭 未 畢 下 句 是 王 已 發 濟 州 之 事 終 通
慶最 四 月 庚 申 朔 庚 辰 王 發 濟 州 是 二 十 一 日 也 此
脫處 有 宗 意 喜 悅 問 地 名 曰 新 興 居 伯 彥 進 曰 伯 彥 嘗 聞

太平興國中北戎寇邊太宗皇帝幸大名親征方渡河
有謁於馬首者問其姓名曰宋捷帝喜之不旋踵果有
北戎之捷今大王治兵討賊行紹大統而宿新興天意
若曰宋室中興其命維新將克繼前人之美與夫邑號
柏人里名勝毋者異矣王善其說是日御延帥臣張澤
副總管劉光世自陝州取小路徑赴大元帥府會合光
世躬執橐鞬望馬足迎奉王命之前問勞訖光世充兵
馬大元帥府都提舉五軍簽書樞密院曹輔迎謁道左
資政殿學士路允迪諫議大夫范宗尹奉太母詔來王
進發迎謁道左

二十四日至應天府州治

二十六日張邦昌以左僕射至自京師奉王命賀者掖

以前見如賓禮邦昌詳白圍城事始末繼之悲泣王亦

泣

二十七日內侍官卻成章王家奉太母詔旨管押乘輿服御及御筆儀仗來進王坐使廳南仲伯彥潛善延禧私世則皆侍立成章等捧筭以前點數名伴有內道冠一頂非人間樣制成章手拱以奉王曰太母傳語殿下此冠自祖宗以來凡退朝宴間不戴頭巾只戴此冠後宋神宗皇帝易以頭巾循襲至哲宗皇帝道君皇帝非祖宗制也願殿下即位後退朝宴間戴此冠便是祖宗太平氣象王歛容流涕曰上天眷命羣情愛戴慕屬將佐上書勸進拜叩固請至於五六吾固辭者屢矣方此躊躇以思繼又奉道君皇帝即真之詔太母乘輿服

御之意迫不得已敢不欽承於是命冠擇官選擇得五月一日庚寅命有司於南京治民之左營築壇場命朱勝非撰策文告天命滕康撰文肆赦改元命幕府官屬聚議南仲伯彥潛善延禧耘世則等議曰王者即位求端於天探一元之意以正本始故必建元謹攷漢光武中興建元為建武大玉再造王室宜用光武故事紀元恭惟藝祖皇帝誕彌之年太歲丁亥大玉殿下誕彌歲亦丁亥大元屬火宋以火德王藝祖開基改元建隆累聖相承建至靖康乃遣中微殿下紹隆益光前列南仲等請改元為建炎又議曰禹戒舜曰惟勤丕應俟志以昭受上帝天其申命用休說者曰人之所弗違上天所眷而命者也上天所眷而命則天之百神申命以休福

英大王殿下遣靖康之亂邦昌僭稱名號之餘以聰明
英勇之姿為天下樂推而願戴人之所弗違可知也休
符屢見上天所眷而命可知也即皇帝位以承上下神
祇圖迎兩宮以安樂宗廟祖禰神器幾墜是將有以扶
其危天祚幾絕是將有以繼其緒不已之令問滋至之
天休足以施罔極而傳無窮南仲等請以誕彌聖節曰
天申

五月一日皇帝登壇夤受天命門下侍郎南仲充禮儀
使臣伯彥臣潛善臣耘臣世則凡幕府羣臣悉登壇行
事臣延禧讀策文禮畢皇帝雪涕隕淚即位于應天府
治之正廳簾陛如殿儀臣南仲臣伯彥臣潛善臣延禧
臣耘臣世則等新班稱賀訖升殿侍立臣邦昌等率百

官稱賀班退大赦天下赦文曰皇天佑宋卜世過于漢
唐藝祖承周受禪于舜禹列聖嗣無疆之歷保邦隆
不拔之基屬以朝姦稔成邊釁恃中都之安富忘外敵
之悲陵馴致金人來犯京邑初登城而不下終邀駕以
偕行痛念鑾輿遠征沙漠宗族從而盡徙宮闕為之一
空仍抑臣僚俾僭位號朕以介弟之親而受指關元帥
之府以總師方輸敵愾之忠亟奉講和之詔豈圖變故
終致陷危蓋嘗指日以誓諸軍使前迎而後請不憚瀝
血而概率土冀外撫而內親而三事大夫與萬邦黎獻
共致樂推之懇靡容牢避之私謂疊疊萬幾難以一日
而曠位矧皇皇四海詎可三月而無君勉徇群情嗣登
大寶宵衣旰食紹祖宗垂創之基疾首痛心懷父兄播

遷之難顧號令久隔衆困繫心軍旅荐興農多失業慰
民耳目之注敷朕腹心之言爰布湛恩誕綏區夏可大
赦天下應赦書到日昧爽以前罪人所犯罪無輕重已
發覺未發覺已結正未結正常赦所不原者咸赦除之
朕惟火德中微天命未改攷光武紀元之制紹建隆開
國之基用赫丕圖益光前烈可以靖康二年五月一日
改為建炎元年於戲聖人何以加孝朕每懷問寢之思
天子必有所先朕欲救在原之急嗟我文武之列若時
忠義之家不食而哭秦庭士當勇于報國左祖而為劉
氏人咸樂於愛君其一德而一心佇立功而立事同僕
兩宮之復終圖萬世之安副我憂勤躋時康乂六日車
駕詣鴻慶宮恭謝上陟降殿陞瞻禮祖宗神御哭泣兩

零大恟

十八日詔附近州縣率官吏百姓來賀非理各自勞費亦重增感慕除今月十四日已到行在人許令稱賀外餘並行下無令起發